

JUNI 2024.

SUDSKA PRAKSA I NOVOUSVOJENI ZAKONI

NEWSLETTER



Dobrodošli!

Junsko izdanje newslettera sadrži redovne informacije o:

- Bazi sudskih odluka
- Praksi Evropskog suda za ljudska prava
- Aktuelnostima iz pravosuđa

VAŽNO

Web stranica Odjela za sudsku dokumentaciju i edukaciju Sekretarijata VSTV-a BiH, koji za vas priprema i uređuje newsletter predstavlja centralno mjesto za pristup izabranim sudskim odlukama i zakonima sa izmjenama i dopunama, što značajno olakšava i ubrzava rad učesnicima u sudskom postupku.

Korisničke podatke za pristup zakonima možete tražiti putem e-maila: osde@pravosudje.ba.

Napomena:

Link određenog zakona iz newslettera vodi do ekrana u koji trebate unijeti korisničke podatke i nakon prijave potrebno je ponovo kliknuti na link tog zakona iz newslettera kako bi se isti otvorio.

POSEBNO IZDVAJAMO

[Zakone Federacije Bosne i Hercegovine 2024.](#)

[Zakon o radu](#)

[Zakone Republike Srpske 2024.](#)

[Zakon o Agenciji za visoko obrazovanje Republike Srpske](#)

[Zakone Brčko distrikta Bosne i Hercegovine 2024.](#)

[Zakon o administrativnim taksama – prečišćeni tekst](#)

INFORMACIJE O NAJNOVIJIM PREDMETIMA ESLJP

Praksa Evropskog suda za ljudska prava od 14. do 16. maja 2024. godine

Mitrevska protiv Sjeverne Makedonije (broj 20949/21),
14.5.2024.

Predstavka se odnosi na odbijanje za davanje informacija o usvojenju, tvrdeći da vlasti nisu pokušale uspostaviti ravnotežu između njenog interesa da sazna svoje porijeklo, naročito zbog svog zdravlja, i prava njene biološke majke da zadrži informacije o sebi.

Povreda člana 8. EK

[PROČITAJ VIŠE](#)

Praksa Evropskog suda za ljudska prava od 21. do 28. maja 2024. godine

Conrada protiv Italije (broj. 4) (predstavka broj
2507/19), 23.5.2024.

Predstavka se odnosi na zakonitost prisluškivanja telefonskih razgovora podnosioca predstavke. Mjere određene u sklopu suđenja za ubistvo u koje podnosilac predstavke nije bio direktno uključen.

Podnosilac predstavke prigovorio je neopravdanom miješanju u njegova prava iz člana 8. i nedostatak djelotvornog sudskog preispitivanja predmetnih mjera koje su mu određene u postupku u kojem nije bio stranka. Tvrdio je da je žrtva povrede čl. 6., 8. i 13. Konvencije.

Povreda člana 8. EK

[PROČITAJ VIŠE](#)

Praksa Evropskog suda za ljudska prava od 4. do 6. juna 2024. godine

Bosev protiv Bugarske


Predmet se odnosio na osudu novinara za klevetu višeg dužnosnika, sumnje u pogledu nepristrasnosti suda i pitanje dostupnosti domaćih sudskih pravničkih lijekova u vezi sa njegovim pritužbama.

Povreda člana 6. EK (nepristrasan sud)

Povreda člana 10. EK

[PROČITAJ VIŠE](#)

Zakoni FBiH - 2021/24



Zakon o radu

U „Službenim novinama Federacije Bosne i Hercegovine“ broj 39/24 od 29.5.2024. godine objavljen je Zakon o dopunama Zakona o radu koji je usvojio Parlament Federacije Bosne i Hercegovine na sjednici Predstavničkog doma od 22.4.2024. godine i na sjednici Doma naroda od 16.5.2024. godine.

Zakon o radu objavljen je u „Službenim novinama Federacije Bosne i Hercegovine“ broj 26/16, 89/18 i 44/22.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

ZAKON PREUZMI

Zakon o izvršenju krivičnih sankcija u Federaciji Bosne i Hercegovine

U „Službenim novinama Federacije Bosne i Hercegovine“ broj 39/24 od 29.5.2024. godine objavljen je Zakon o izmjeni i dopuni Zakona o izvršenju krivičnih sankcija u Federaciji Bosne i Hercegovine koji je usvojio Parlament Federacije Bosne i Hercegovine na sjednici Predstavničkog doma od 22.4.2024. godine i na sjednici Doma naroda od 16.5.2024. godine.

Zakon o izvršenju krivičnih sankcija u Federaciji Bosne i Hercegovine objavljen je u „Službenim novinama Federacije Bosne i Hercegovine“ broj 44/98, 42/99, 12/09 i 42/11.

Ovaj zakon stupa na snagu osmog dana od dana objavljivanja u „Službenim novinama Federacije BiH“.

ZAKON PREUZMI

Zakon o poticanju razvoja male privrede

U „Službenim novinama Federacije Bosne i Hercegovine“ broj 39/24 od 29.5.2024. godine objavljen je Zakon o poticanju razvoja male privrede koji je usvojio Parlament Federacije Bosne i Hercegovine na sjednici Predstavničkog doma od 22.4.2024. godine i na sjednici Doma naroda od 16.5.2024. godine. Danom stupanja na snagu ovog Zakona, prestaje da važi Zakon o poticanju razvoja male privrede („Službene novine Federacije BiH“, br. 19/06 i 25/09).

Ovaj zakon stupa na snagu osmog dana od dana objavljivanja u „Službenim novinama Federacije BiH“.

ZAKON PREUZMI



Zakoni RS - 2021/24



Zakon o Agenciji za visoko obrazovanje Republike Srpske

U "Službenom glasniku Republike Srpske" broj 42/24 od 17.5.2024. godine objavljen je Zakon o Agenciji za visoko obrazovanje Republike Srpske, koji je Narodna skupština Republike Srpske usvojila na Osmoj redovnoj sjednici, održanoj 14. marta 2024. godine.

Stupanjem na snagu ovog zakona prestaje da važi Zakon o obezbjeđenju kvaliteta u visokom obrazovanju Republike Srpske ("Službeni glasnik Republike Srpske", br. 67/20 i 16/23).

Ovaj zakon stupa na snagu osmog dana od dana objavljivanja u "Službenom glasniku Republike Srpske".

[ZAKON PREUZMI](#)





Zakon o administrativnim taksama – prečišćeni tekst

U „Službenom glasniku Brčko distrikta Bosne i Hercegovine“ broj 18/24 od 17. maja 2024. godine objavljen je Zakon o administrativnim taksama – prečišćeni tekst koji je na osnovu člana 8 Zakona o Službenom glasniku Brčko distrikta Bosne i Hercegovine („Službeni glasnik Brčko distrikta BiH“, brojevi: 1/00 i 17/04) i Odluke o davanju ovlaštenja Zakonodavnoj komisiji Skupštine Brčko distrikta BiH, broj: 01-02-218/17 od 13. 9. 2017. godine („Službeni glasnik Brčko distrikta BiH“, broj 35/17), Zakonodavna komisija Skupštine Brčko distrikta BiH na 80. sjednici održanoj 24.4.2024. godine utvrdila prečišćeni tekst Zakona o administrativnim taksama („Službeni glasnik Brčko distrikta BiH“, broj 21/05) s izmjenama i dopunama Zakona o administrativnim taksama („Službeni glasnik Brčko distrikta BiH“, brojevi: 19/07, 2/08, 17/09, 8/13 i 11/20).

Danom stupanja na snagu ovog zakona prestaje da važi Odluka o usklađivanju administrativnih taksi na području Brčko distrikta («Službeni glasnik Brčko distrikta BiH», brojevi 9/00 i 11/01). Za akte i radnje u upravnim stvarima za koje je taksena obaveza nastala do dana stupanja na snagu ovog zakona, naplatit će se taksa koja je bila propisana u trenutku nastajanja taksene obaveze.

Zakon o administrativnim taksama stupio je na snagu 3.8.2005. godine, a njegove izmjene i dopune 17.7.2007. godine, 20.2.2008. godine, 27.6.2009. godine, 15.5.2013. godine i 4.4.2020. godine (primjenjuju se od 1.1.2021. godine).

ZAKON PREUZMI

Zakon o javnoj upravi Brčko distrikta Bosne i Hercegovine – prečišćeni tekst

U „Službenom glasniku Brčko distrikta Bosne i Hercegovine“ broj 18/24 od 17. maja 2024. godine objavljen je Zakon o javnoj upravi Brčko distrikta Bosne i Hercegovine – prečišćeni tekst koji je na osnovu člana 8 Zakona o Službenom glasniku Brčko distrikta Bosne i Hercegovine („Službeni glasnik Brčko distrikta BiH“, brojevi: 1/00 i 17/04) i Odluke o davanju ovlaštenja Zakonodavnoj komisiji Skupštine Brčko distrikta BiH, broj: 01-02-218/17 od 13. 9. 2017. godine („Službeni glasnik Brčko distrikta BiH“, broj 35/17), Zakonodavna komisija Skupštine Brčko distrikta BiH na 80. sjednici održanoj 24.4.2024. godine utvrdila prečišćeni tekst Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH“, broj 19/07) s izmjenama i dopunama Zakona o javnoj upravi Brčko distrikta Bosne i Hercegovine („Službeni glasnik Brčko distrikta BiH“, brojevi: 2/08, 43/08, 9/13, 48/16, 9/18 i 17/23).

Stupanjem na snagu ovog zakona stavlja se van snage Zakon o upravi Brčko distrikta BiH (“Službeni glasnik Brčko distrikta BiH“, broj: 31/04).

Zakon o javnoj upravi Brčko distrikta Bosne i Hercegovine stupio je na snagu 17.7.2007. godine, a njegove izmjene i dopune 20.2.2008. godine, 24.10.2008. godine, 7.6.2013. godine, 16.12.2016. godine, 24.3.2018. godine i 8.6.2023. godine.

ZAKON PREUZMI



AKTUELNOSTI

Baza sudskih odluka

U Bazi sudskih odluka dostupno je 25 972 odluka, od čega je 13 803 odluka iz građanske oblasti, 9756 iz krivične oblasti, 2409 iz upravne oblasti, te 4 odluke Evropskog suda za ljudska prava sa vezanim odlukama sudova u Bosni i Hercegovini.

U Bazi se nalaze odluke Suda Bosne i Hercegovine, Vrhovnog suda Federacije BiH, Vrhovnog suda Republike Srpske i Apelacionog suda Brčko distrikta BiH, sa vezanim odlukama iz istog predmeta. Uvid u sudske odluke navedenih sudova pruža mogućnost da se informišete o dužini trajanja, troškovima, ishodima sudskog postupka i slično.

[PROČITAJ VIŠE](#)

Pravosudnoj zajednici predstavljene Smjernice za objavljivanje sudskih i tužilačkih odluka, akata i informacija o predmetima

Na osamnaestoj godišnjoj konferenciji predsjednika sudova i glavnih tužilaca u Bosni i Hercegovini, održanoj 28. i 29. maja 2024. godine u Tesliću, učesnicima su predstavljene Smjernice za objavljivanje sudskih i tužilačkih odluka, akata i informacija o predmetima, kao i Uputstvo za anonimizaciju.

Smjernice je usvojilo Visoko sudsko i tužilačko vijeće Bosne i Hercegovine na sjednici održanoj 21.3.2024. godine.

[PROČITAJ VIŠE](#)



USAID
OD AMERIČKOG NARODA

OCJENA DOKAZA I
POSTUPAKU

Razmatrana novija disciplinska praksa tokom obuke disciplinskih komisija VSTV-a BiH

Disciplinski postupci protiv sudija i tužilaca sa aspekta pribavljanja i ocjene dokaza, kao i novine koje su uvedene Zakonom o izmjenama i dopunama Zakona o Visokom sudskom i tužilačkom vijeću Bosne i Hercegovine, bile su glavne teme četvrte po redu obuke disciplinskih komisija VSTV-a BiH, održane od 23. i 24. maja 2024. godine u Mostaru.

Tokom obuke ovog tipa razmjenjuju se iskustva, te ujednačavaju stavovi što u velikoj mjeri doprinosi boljem radu kako članova disciplinskih komisija VSTV-a BiH, tako i osoblja koje pruža stručnu podršku radu komisija.

[PROČITAJ VIŠE](#)

Održan panel za ujednačavanje sudske prakse iz upravne oblasti



Dana 10. juna 2024. godine održan je sastanak Panela za ujednačavanje sudske prakse iz upravne oblasti na kojem su sudije upravnih odjeljenja sudova najviše instance u Bosni i Hercegovini razmatrale neujednačena postupanja koja se tiču ostvarivanja prava građana iz penzijskog i invalidskog osiguranja, naknade za eksproprijaciju zemljišta u vlasništvu Bosne i Hercegovine, kao i troškova postupka u upravnom sporu.

Sastanak je održan u Vrhovnom sudu Republike Srpske i predstavlja drugi sastanak Panela prema novom konceptu rada prema kome se sastanci održavaju u sudovima najviše instance po principu rotacije, a ne u VSTV-u BiH što je bila dosadašnja praksa.



[PROČITAJ VIŠE](#)



Finansira Evropska unija

Newsletter je pripremljen uz finansijsku podršku Evropske unije. Za njegov sadržaj isključivo odgovara Visoko sudsko i tužilačko vijeće Bosne i Hercegovine i ni u kom slučaju ne predstavlja stavove Evropske unije.



Implementira VSTV BiH